

تاریخ عثمانی انجمنی

۱ نیان
۱۳۳۱

پنجمی سنہ
نومبر ۳۱

مجموعہ سی

وفیات

عارفی پاشا

انجمنز اعضای معاونسندن قونیه والی اسبقی عارفی پاشا ۱۳۳۳
سنهسی ربیع الاخرینک یکریمی طقوزنجی (۳ مارت ۱۳۳۱) صالی کونی
ارتحال داربقا ایلمشدر .



محمد عارفی پاشا ۱۲۷۴ سنهسنده تولدایتمشدر . مرحومک ترجمه حال
رسمیسنده اطنه ولایتی داخلنده جبل برکت سنجاغنده واقع خاصه
قصبهسنده متولد اولدینتی مذکور ایسهده حین تولدنده قصبه مذکور

موجود دکل ایدی . خاصه قصبه سی قوزان سنجانجی اصلاحاتنه مأمور هیئتک ایلك اجرا آتی اولقی اوزره ۱۲۸۲ سنه سی ابتداسنده تأسیس ایدلمشدر ، بو حالدده مرحوم یاقصبه نك موقعنده ویاخود جوارنده طوغمشدر .

پدری جبل برکت امراسندن قره بك زاده خلیل بکدر . جدی قره بکک نامی آطنه حوالینک عصر سابق واسطی وقوعاتی مناسبیله تواریخ عثمانیه ده مذکوردر . مع مافیہ مرحوم ، قره بکدن اولکی اجدادینه عارف اولیوب قره بك کوندوزلی نام موقعدن اولدینی جهتله آنک آل رمضانک اجدادیه برلکده آطنه طرفلرینه کلوب یرلشن تورکنلردن وکوندوز اوغللردن اولدینی ظننده بولندینی دفعاآله کنديسندن مسموعدر .

خلیل بك قوزان اصلاحاتی اناسنده و هیئت اصلاحیه جه کورینان لزوم اوزرینه روم ایلیده واقع نیش شهرنده اقامتہ مأمور ایدلمش ایدی . بعده عفو بیورلمش و مع مافیہ مملکتنه عودت ایتامسی مشروط بولنش ایدوکندن بالضروره ادرنه شهرنده اختیار اقامت ایلش ایدی . ایشته مرحوم بوانساده مقدمات علومی نیش و ادرنه رشديه لرنده تحصیل وعربی وفارسی بی دخی معلم مخصوصدن تدریس ایتمشدر .

محمد عارفی بك ۱۲۹۰ سنه سنده ادرنه ولایتی دیوان تیمیزی قلمنه کیروب بعده مکتوبچی قلمنه نقل ایلش ایدی . ادرنه شهرینک روسلر طرفدن استیلاسی سببیه ۱۲۹۵ سنه سی محرمک اون اوچنجی کونی بالطبع مأموریتدن انفصال ایله استانبوله کلدی . مرحوم مدت مذکوره ظرفنده ادرنه ولایتی غزته سی محرر معاونلکننده و محررلکننده و مریج نام غزته نك دخی محررلکننده بولنش ایدی .

محمد عارفی بك استانبوله اوزون مدت قالدی . ایکی اوچ آی صوکره ، کندینی جذب ایدن محل تولدینه ده یاقین بولنق حسیله حلب شهرینه عزیمت ایتدی . اوراده حلب مکتب رشیدی رقعه خطی

معلمکنندن ایشہ باشدی، براز صوکرہ مکتوبچی قلمنہ کیردی. استعداد مادرزادی حسیله آرزمان ظرفنده کلیاً بیانجیسی اولدینی محل مذکورده کندینی طایتہ زوق نائل ترقی و ۱۲۹۷ سنہ سندہ حلب ولایتی اداره مجلسی باش کتابتہ مأمور اولدی. ۱۳۰۴ سنہ سندہ حجاز ولایتی مکتوبجیلغنه و برمدت صوکرہ جدہ والی قائم مقاملغنه تعین اولندی. حلبده بولندینی ائشاده فرات نام غزته محرر لکنی ایفا ایتدیکی کبی علاوه مأموریت اوله رق اولوقت قومیسرک مأموریتی ایله حلبده بولنان قونیه والی اسبقی مرحوم سعید پاشانک کتابت خصوصیه سنده و بعض قومیسونلر اعضالغنه بولنش ایدی. ۱۳۰۶ سنہ مذکور قائم مقاملقدن استعفا ایش و ۱۳۰۸ سنہ سندہ معدن سنجاغی متصرفلغنه تعین ایدلش ایدی. ۱۳۰۹ سنہ سندہ عہده سنہ رتبہ میرمیرانی توجیه اولندی.

محمد عارفی پاشا بعدہ شهرزور (۱۳۱۰)، موش (۱۳۱۲)، بایزید (۱۳۱۳)، مرعش (۱۳۱۴)، سلیمانیه (۱۳۱۸)، درسم (۱۳۲۱)، کنج (۱۳۲۲)، ماردین (۱۳۲۳) سنجاقلری متصرفلقلرنده بولندی. ماردین متصرفی ایکن برمدت دیاربکر والی و کالئنده بولنش و او ائشاده و ۱۳۲۵ سنہ سندہ عہده سنہ روم ایلی بکلربکیلیکی پایہ سی توجیه اولنش ایدی.

محمد عارفی پاشا ۱۳۲۶ سنہ سندہ طربزون ولایتی والیلکنه تعین و وقوع بولان طلبی اوزرینه برسنه صوکرہ انفصال ایش و ۱۳۲۷ سنہ سندہ قونیه ولایتی والیلکنه نصب ایدیلوب ۱۳۳۰ سنہ سندہ عزل ایدلش ایدی.

مرحوم حیات رسمیه سنده مستقیم و فعال برذات ایدی. حکومتجه اهلیت و رویتی واقدار و فعالیتی مجرب و معلوم ایدی. وظائف مأموره سی تجربه و وقوفی جهتیه فعالانه بر صورتده کمال حصافت و استقامتله حسن ایفا ایدردی. بولندینی مأموریتلره تعینی اکثریا نقل و بجایش صورتلریله

اولوب مأموریتدن عزلی اندرایدی . عزالرینک سبی دخی اکثر یاعارضه وجودیه سی حسیله وقوعولان طلبی ویاخود استعفا سی ایدی . یالکن سلیمانیه سنجاغنه تعین ایدلیدیکی حالده متعاقباً یرینه دیکری انتخاب اولدیفندن قبل العزیمه انفصال ایلمشدی .

حارفی پاشا وقور ، وجیه ، نازک وفضائل اخلاقیه به مالک برذات ایدی . درجه نهاییه ده خوش صحبت وظریف ایدی . کندخی ایلک دفعه طانیان کسه تراکت وظرافته مسحور اولور واجبای دائمی میانه قاتیلور ایدی . اثنای مصاحبه ده مناسبت کتیره رک ایراد ایدیدیکی اشعار وکلام کبار کندیکن عربی و فارسی وتورکی ادبیاتنده کی قدرت ورسوخنه دال ایدی ، تاریخی و اخلاق مناقب ایله مخاطبئی تشیط ایلر وبو صورتله ظرافته مفتون ایدر ایدی .

حارفی پاشا مشغله رسمیه سندن اختلاس ایتدیکی اوقاتی وقوف ومعلوماتنک تزئید واکاله صرف ایلمش ایدی . بومسلکنده نهایت عمرینه قدر دوام ایشدر . بالجله شعبات علوم ومعرفه انتساب ایش ایدی . الک زیاده مشغول اولدینی تورکجه نک غوامض لانیه سی وتاریخ ایدی . تورک لک اصیل بر خاندانه منسوبیتی وروم ایلی وآناتولینک اکثر محللرنده بولنسی وبک قوتلی بیلیدیکی عربی وفارسی ایله برابر بلغاروصرب وروم لسانلرینه وقوفی جهتلریله لسانمزده مستعمل کلماتک تورکجه ویاخود دیکر لسانلردن دخیل اولدیفنه وتورکجه کلماتک لسانک وبالخاصه غرب تورکجه سنک مختلف لهجه لرنده کی تلفظ ومعانی وسائره سه دائر ویردیکی معلومات واجرا ایتدیکی مقایسات وایراد ایدیدیکی ملاحظات غایت قیمتدار ایدی . تاریخک دخی آناتولی وبالخاصه تورک لک قطعته مذکوره یه ورود وتمکنندن اعتباراً وقایع تاریخیه سیله مشغول اولور ایدی . بوبابده بک زیاده وقوف ومعلوماتی وار ایدی .

مرحوم وقوف ومعلوماتی نسبتده تألیف آثاره موفق اوله مامشدر .

آثار متروکہ سی محدوددر۔ آنلرہ مختصر ادرنہ تاریخی، حلب و حجاز ولایتی سالنامہ لری، بعض سیاحتیہ دائر قیوداتی و اخیراً مجموعہ من ایلہ نشریہ باشلانیا لان ذوالقدر [دولغادر] اوغلری تاریخیدر۔ ادرنہ تاریخنک مسودہ لری اوزمان ادرنہ والیسی اولوب بو اترک تحریری ایچون تشویقاندہ بولنان احمد و فیک پاشا مرحومک جا بجا ملاحظت و تصحیحاتی حاوی اولق اوزرہ موجوددر۔ غایت مهم معلومات جغرافیہ و تاریخیہ بی حاوی بولنان مذکور سالنامہ لری مطبوعدر۔ سیاحتنامہ لری ایسہ مأمور اولدینی محللردن بعضیہ اشنامی عزیمت و عودتندہ وقوعبولان مشہوداتی و کچدیکی شہور و قصبات و مواقعہ دائر جغرافی و تاریخی غایت مهم معلوماتی حاویدر۔ بو سیاحتنامہ لریک وقت مناسبہ مجموعہ ایلہ نشری مصمدر۔

عارف